

浦雅

七十老人張朝墻書卷

浦 駢

雅 文

堂

子國
居士



元末唐申問李曹詩人有

漢社

一舉

朝坡

江浦陳君

定山與焉自此文漢之會往

還策密後四年定山出

朝坡有詩送之再越二年

朝坡

六出閩至松花江上且錢唐

鍾君無庵曰客撫順張棠園
長官必署三人者日相晤道
相洽神相也無庵不常至
署余亦定山比戶而居常見
手一編點竄塗抹日極忙碌
似方大算數述將付剞劂此向

之索則曰未定稿靳不予索
園主後余潛定山赴黑龍江
又因有農安李壽帥食客熟
膚腴而來至乃及丁年定山
免一疾不起矣燕廣在哈市
授其遺集得定山手校付刊

者詩文若干種吁萃此友
文字發潛德之函先後死
者責也今此不訂成帙俱
原稿集而前集乃以獲一字
安得定山早年舊友廣為
搜羅得其所編彙成全卷

呈別燕廣與余之所期而欲
旦暮以求之者也

夔門張朝城





呈別燕庵與余之所期而欲
旦暮以求之者也

嶺門張朝城



清授資政大夫福建鹽法道陳公行狀

愚弟鍾廣生拜撰并填諱

曾祖藻

祖友恭

父寶善國學生誥贈資政大夫

公諱瀏字亮伯號寂園晚年自署定山又稱六江六山老人始祖鐵園公明初遷於江南浦口之孝義鄉遂世爲江浦人考贈公諱寶善字楚賢以行商致富倡議開四泉河功在地方所交皆當世名達廬江吳壯武公

長慶

其尤著也母葉誥封夫人公

以同治癸酉十一月生於儀徵之泗源溝幼有異稟讀書穎悟絕倫目十行并下八

歲就外傳一日詣讀偶遲師訶之曰傍午學生方入塾意欲屬對以難之也公應聲

曰嚮晨天子已臨朝一座皆驚由是有奇童之目江都鹽商侯先生

名揚

欲妻以女

遣使蹇脩其後卒委禽焉光緒三年丁丑公年十四以獻賦受知於督學使者長樂

林公

天齡

補縣學生庚辰歲試以通周官經左氏傳爲學使瑞安黃公

體芳

所識拔

遂食廩餼明年侯夫人來嬪旋肄業南菁書院始肆力訓詁詞章之學矣乙酉登拔
萃科朝考第一用七品小京官簽分刑部己丑應順天鄉試中式副榜當是時法籍
越南日縣琉璃外囂岌岌不止而朝士猶驚帖括重科第其高材者或詭漢學爲名
高公甫弱冠已嘗議八比文至是乃著原文數萬言以極論之雅爲時賢所推服薛
大司寇允升尤器之出所注唐律全文屬其校勘然公性氣剛勁愛人以德不爲色
容以此取戾於時嘗爲友故移書讓常熟相國甲午之役復以論和戰機宜語過切
直失權相意久之始解初瑞安黃公以文章氣節名天下公出門下服膺其緒論益
自矯厲瑞安亦深獎植公會譯署行取部員薛大司寇舉公應故事樞譯兩署用人
咨取於閣部考試錄其尤才者奏請旨硃筆圈出以次傳補謂之記名章京然用舍
之枋實摻諸親王大臣非有氣力通關節常屏不得錄瑞安生平高亢自異從不低
首權門爲人游說獨以公爲材可任外國事至乘笨薄車周游諸貴人爲之延譽於
是公名列置第三及入爲章京仍兼刑部浙江司主稿戊戌內府鑒器庫盜案發賊

歟累千萬詞連內務府大臣立山同官多歛手獨公主嚴治說客日闐於門皆拒不納或乞情薛公薛公曰有陳某在吾不可干以私願勿復言其見嚴憚如此當事急時蜚語達九重幾爲所中賴恭邸及薛公左右之卒定讞自是以來公名震聞京師而側目者益盈朝矣庚子後改官外務部郎中掌權算司印曾一調俄使館叅贊未行尋間鳥事起公手草駁議設爲六證以明之隣邦語塞延吉界約卒平事聞召見有海豐可寄之褒戊申四月以京察一等外簡福建鹽法道蒞閩三載不以庫儲生息著說廉以箴同官築海王正筴之堂以治事手訂條教以整頓官商運歲課倍增時閩鹺積弊寢深巨紳某病公嚴正不得行其請託嚮之環鬻交蠹者胥不便所爲而載澤主度支方肆誅求四方餽遺不絕於道公自恃無私財絲毫無所與又盛氣凌之見於案牘竟不安於位投劾去官然劾公者亦謂鹺課爲天下最及去閩八月而國事遽變官運先壞迨於民國則商運亦不可問矣甲寅順德梁公敦彥筦交通延公掌秘笈兼權電政司長洪憲稱制順德先幾挂冠行公與之同去丁巳山陰朱

公

慶淵

爲廣東巡按使招之南行公居幕府年餘愛荔支灣風物佳麗常載舸清遊

復假得名園一區寄泊其間園主人盛飾雛鬟十餘輩爲之焚香滌硯以助吟興於

是有粵榮樓問字圖之作圖爲老友姜宜軒先生筠手筆有數名作也自是公東歸

於申浦有江樓索句圖於燕京有庚申秋詞圖一時名流題詠殆徧旋應國史纂脩

之聘居京師五年庚申之歲公與侯夫人年五十八彛堪貝子

溥倫

暨其弟厚齋將

軍

溥侗

爲張筵置樂敷紅氍毹將軍起舞爲壽極金尊檀槽之盛庚申秋詞圖者即

成於此時其年冬山陰朱公爲東省特別區長官再招之東游時公弟瀚弟浦先後

任職中東鐵路公乃盡室偕來寓公於哈爾濱繼山陰者爲撫順張公

煥相

敬禮有

加焉戊辰張公去位農安萬公

福麟

聞公名禮羅入黑龍江軍府尊爲上客自是生

平游蹤南臨象郡北抵龍沙益發爲詩歌以抒其胸中奇趣舊所與倡酌若燕南湯

社花江九老會皆當代知名士詩藁多隨手散佚而存者尙盈箱篋尤善鑒別古瓷

器所著匋雅門杯堂集皆已刊行匋雅且被重譯達於海外未刊者有匋春秋盞庵

憶語海王村游記骨董經定山印史宋園說印門杯堂詩續集皆考訂陶瓷泛及古物之作先是公沈浮郎署二十餘年縱游廠肆以博其識購皮精瓷名書畫不可數計其半燬於庚子罷官後貧不能自給稍稍斥鬻之終已蕩然無存則盡耗於民埠民埠者浦口洲地也光緒季年津鎮鐵路議起丹徒劉君

鐵雲

逆策地形必改道津

浦乃釀貲買入洲地數萬頃以待之已而億中公怒其罔市利執持短長甚力劉坐此得罪地多沒入官及自閩歸其地折入於勢家不售則挾官力謀振商市以興地利公又劾民埠以抗之平心而論劉之億中若六博然歐美謂之投機非必爲罪所謂匹夫懷璧者也至勢家效尤朋分其罪實浮於劉然比年界畫商埠屢起屢仆官且無利又焉用抗余嘗與縱論前事惜其爲計之疏而又怪其快意當前坐致顛困而不悔也豈非天哉公貌魁梧廣額虬髯與人大睨高談聲若洪鐘豪邁不可一世有所不快必使氣凌其上不爲勢位屈而愛才服善出於至誠雖寒峻常折節下之故能得於君子而難於小人其待諸弟昆初若嚴峻然多賴其力各有所樹立緩急

之際愛護必殫其誠已有空乏寧隱曲自重雖同氣不欲使聞知所交游若懷甯姜
宜軒廬江吳彥復皆傲斥落落難合公獨與鍼芥久而益永余自光緒辛丑即識公
於北平迄今垂三十年在濱江朋儔中常暱就余以詩文相證質吉林成澹堪海城
馬遜園奉節張白翔三先生者皆爲摯友詩歌往還哀然盈帙戊辰冬徙居龍江明
春忽遭痰壅風厥之疾尋亦漸瘥然不自珍攝病中猶理舊文時扶床疾書日盡十
餘紙及秋悼侯夫人之喪力疾來濱江臨視殯儀余亟往省視見其形神銷鑠強慰
藉之相與一握而別詎還江月餘邊烽正厲而公亦一蹶不起矣時己巳十一月十
二日也公曩言歲庚午屆與侯夫人結褵歷五十春秋將援西俗行金婚禮而懇不
及待屬余預爲文辭乃成七言三十二韻以貽之孰料其果不待也悲夫子五人讜
頗叔昂鑾岬瞻女七人君脩適李君良適趙君年適唐君安適孫君拙適吳君福字
程君山待字側室張氏出鑾岬瞻餘皆侯夫人出侍姬李無出孫二人彤孫履象女
孫一人杭縣鍾廣生狀

題亮伯社長浦雅堂遺集

孫雄師鄭

亮伯愛我小楷書謂有別趣非墨豬我生萬事皆拙鈍背時未得風吹噓蕭張筆勢
尤未習但無媚骨羞曳裾而君乃有嗜痂癖硃硃強使儕璠璣繇憲同歲客邊塞迨
迨雙鯉來徐徐濱江孔廟作碑記高文典冊卑相如分金助我禦冬蓄霸子剖甕嘗
羊菹上言祝我加餐飯下言感逝增悲吟當年譯署氣虎虎絕塵奔逸龍超據榕城
作宦正鹽筴威聲遠邇桃溪墟晚傷世變隱文字雕蟲篆刻存緒餘詞源倒峽猶洶
湧獨涵道味鋤經畚天地閉矣瞋不視遠游莫返班生廬寂者今日果圓寂
規其不吉度一切苦真不虛敬禮遺編自刪定病中執卷讐豕魚流傳不朽浦雅集西河
石笥同珍儲九京吟社未蕭械澹翁成君竹山止叟宋君鐵梅迎衙衙我生靡樂訂後約相逢
周禮賡猶釀知君豪氣尙衝斗欲洗兵甲鞭夔魑我吟小詩博君笑薦馨酒熟浮清
蛆

定山挽詩

陳紫瀾樵岑

平生詩豪不成刪南朔巾車老等閑多媿雅稱今鮑謝新刊小印十江山春時酒醺
髯猶絕塞上烽烟病忽孱幽夢一銘待誰付了知彌楊嘒嘒間

趙孚信天

乾坤落落感離羣絕似飄風送斷雲苦憶纏綿成酒疾偏驚喪亂起邊氛隨身史局
翻爲累執耳詩壇枉策勳自古和戎多忍痛泉宮幽閼未須聞

臨風對酒總傷神詩索枯腸別有真鴻雪緣慳相恨晚雞林價好未應貧畫圖灑墨

成三絕

姜宜軒製粵祭樓間字圖袁
汪生寫君所爲詩可稱三絕

雅集題糕少一人過眼風雲驚乍定龍城愁見隔年春

汪維城宗可

邊事初安帖騷壇失老成江關最蕭瑟才調總縱橫每恨相逢晚長留飲者名舊廬
重過處腹痛未勝情

遣我詩兼字裁看近浹旬酒痕雙袖永墨瀋異時新甸雅平生事花驕嶺嶠春楚招
魂不返江浦水鱗鱗